

دردنجی سنه - یدنجی جلد

۲۰۳ نومرو

۱۹ جمادی الاول ۱۳۱۳ - تشرین اول ۲۶ ۱۳۱۱

اداره خانه سی

باب عالی جاده سنه قصبه کتبخانه.
سیدر. رساله یه متعلق کافه مسئولیت
و خصوصیات ایچون (قصبه کتبخانه
سنه) مراجعت اولونور.

نسخه سی ۲۰ پاره در

معارف

آبونه بدلی

بر سنه لك الی ایکی نسخه سی پوسته
اجرتیه برابر بروجه پیشین ۳۵
غروش، استانبول ایچون اداره.
خانه دن آلمق اوزره ۲۰ غروشه در.

نسخه سی ۲۰ پاره در

پنجشنبه کونلری نشر اولونور فنی و ادبی رساله

(محرری : اسماعیل صفا)

صبيكن دبستانه تسليمده .
غرض شيمدى تحصيلى ترك ايله مك !
ديك بر هوا اولدى بر چوق امك ؟
ابوت مروتده جائز دگل
سنگ قلبك انصافى جائز دگل .
سنگچون چاليشدم ، مرام ايله دم
فقط حقمى هپ حرام ايله دم .
سنگ شيمدى يوق الده بر صنعتك
گلوب گچدى بيهوده هر ساعتك .
زمان خدمت ايتمزه تهذيبكه
جزالره حاجت نه تهذيبكه
دگلسهك بوگون فارق نيك و بد
بو غفلت بيراقاز سنى تا ابد
جهانده محقق بو بر مسئله :
كه برشى ندامتله گچمه زاله .

اسماعيل صفا



« صباح » غزته سنگ سؤالنه جواب
تأهلمى ايودر بكارلقى ؟

« تأهلمى ايودر بكارلقى ؟ » سؤالنه بر صورت
قطعيده جواب ويريله مز . زيرا بعضاً اويله شرائط
داخلنده بوللوركه تأهل محض سعادت اولور و بعضاً
بالعكس اويله اسباب ظهور ايدر كه تأهلدن قطعياً واز
كچرك بكارلقى قبول و تنسيبه مجبوريت حاصل اولور .
بناء عليه بو بابده بر قرار قطعى اعطامى ممكن اولمىوب
ياپيله جق برشى وار ايسه اوده تأهل و بكارلغك كرك
محاسن و كرك محاذيرنى كوسترمك هر كسك الله ، شرائط
واحوال شخصيه سنه كوره شو ايكي شيدن هانكيسنك
ترجيحى اقتضا ايده جكنى كوستره جك بر مقياس اعطاسنه
چالشمقدر .

كرك تأهل و كرك بكارلغك ترويج و تنسينى ايجاب
ايدن شرائط و احوال كوستريله جك اولور ايسه
شبه سزدر كه هر كس انلره كوره بر قرار اتخا ايدر
وشو كدر دنيا سنده نسبتاً ده از بدبخت اوله رق يشامغه
موفق اولور .

« تأهلمى ايودر بكارلقى ؟ » مسئله سى يكي بر مسئله
دكلدر . اعصار سابقه ده وحتى عصر مزده بيله بو مسئله
اوروپاده بر چوق افكارى اشغال ايلمشدر . فقط بونكله
اوغراشانرك چوغى مسئله يى يالكنز بر نقطه دن كوردكاري
ايچون فكر لر يده بالطبع تماماً موافق حقيقت اوله مامشدر .
ازدواجك اهنده بولسانلر ، اثبات مدعى ايچون
حقايق عالمك هر جهتدن بر چوق ادله ايراد ايلمشدر .
آنلره كوره ازدواجى اول امرده شونك ايچون ترجيح
ايتليدر كه بقاى بشريت امرنده اك مقدس و اك مهم
اولق لازم كلان تناسل ماده سى انجق بونكله تأمين
اوله بيلور ازدواج اولمزه انسانيت نصل ادامه ايديله جك ؟
مختلف جنس ايكي شخص اتحاد ايدر ك بر عائله حصوله
كتور مزلر سه طوفا جق چوجق قرك حسن صحت و تربيه
لرينه كيم نظارت ايده جك ؟ بابادن انادن مهجور قالان
چوجق قرك دهها زياده فساد اخلاقه معروض دكليدر لر ؟
عدايه ايستانستقار نندن ده اكلاشله جنى وجهله ارباب جرائم
دهها زياده بيكس بيومش آدملىر ايچنده طويلانلميور مى ؟
تأهل طرفدارى اولانلر ، اك معقول و مهم اولان شو
ادعاليينه حسياته متعلق بر چوق دلائل دهها ضم و علاوه
ايدنيورلر : انسان ، طبعاً سومك خاصه سيله متصف ايمش .
و بو حس ، عشق و محبت يولنده حسن استيفا اولندقدن
صكره اولاد و عائله محبتلى كى بر طاقم حسيات متفرعه دهها
توليد ايلرمش . حالوكه بشون شو حسياتى مناسبات
طبيعه و لازمه ده بولديره جق و توسيع و اكماله خدمت
ايده جك تأهلدن بشقه هيچ برشى يوقدر . اك فلاكتلى
زمانلرده تسلى قلبه ، تطيب خاطره چالشه جق ، شو دنيا ده
نيجه سنده لر دنبرو حياتنى حياتكزه ترفيق ايتمش بر رفيقه
مشفقهدن و انكله اولان مناسبات جنسيه نك محصولى
اولان التون صاچلى چوجق قركدن بشقه نه واردر ؟

برده مدنيتك نتيجه طبيعه سى اوله رق ظهور ايدن
سوء اخلاق عمومى ايچنده و خصوصيله پارس و ويانه كى
فخشيائيله اشتهار ايدن مرا كز مدنیه ده جريان حياتنه
بر انتظام و اطراد ويره جك و احوال محليه نك مادى
و معنوى بر چوق امراض و مهالكه قارشو بالخاصه
شيبانى وقايه و محافظه ايده جك تأهل قدر صاعلم بر
واسطه تصور اولنه مز .

تأهلی ترویج ایتدیرم جک بر سبب دها وارد رکه تجارت و صنایعی ایلرولمش و اسباب معیشتی بهالیشمش اولان یرلره منحصر قالمقله برابر پک او قدر اهمیتسر دکدر. حتی ممالک متمدنده تاهلک الآن بقاسنه سبیت ویرن اسباب مهمه نك احتمالک بریده بودر. فی الحقیقه بو کون اوروپاده وقوعبولان تاهلرک همان یوزده سکسانی و بلکه دها زیاده سی بالخاصه ثروجه وقت و حال بیوک ایشلره مساعد اولیانلرک شو اقتدارسزلقلری بر «زنکین ازدواج» ایله تضمین ایتک فکرندن نشأت ایلمکده در. شو حال بو کون او قدر اهمیت کسب ایتشد رکه بالجله ملل متمدنه قوانینی تاهله ارتق بر مقاوله. بر قونطوراتو نظریله باقغه و ازدواجله برلشه جک اولان زوجینک اموال و املاکنی بر چوق ماده لرله تحت انتظام و نظارته المغه یا شلامشدر.

ایشته تاهل طرفداری اولانلر بتون شو حقایق موضوع بحث ایدرک درت الله ازدواجه صارلمقده و بونک حمایه و تشویقنی منافعه عمومیه نامنه طلب ایلمکده درلر. هر عصرده اولدینی کبی عصر مزده دخی اکثریت الآن ازدواج طرفداریدر. شو قدر که سنه بسنه تاهل علیهنده بولنانلرک عددی ارتقمده در.

انسانیت، هیئت مجموعه سی و صور حرکتیه، یا یلمقده اولان بر بنایه تشبیه ایدیله بیلور. هر کس ترقی مدنیته خدمت ایدیور. فقط بر بناده ایشلیانلر اراسنده نصل تقسیم اعمال قاعده سی حکمفرما اوله رق هر کس عین صورتده چالشمیور سه انسانیتی ترکیب ایدن هر صنف اهالیده صورت متساویه ده حصول کماله چالشمز و بناده نصل چالشانلرک چوغی عمله صنفه کیرر و ایشلدکلری ایشلر امور عادی دن عبارت قالور ایسه هیئت اجتماعیه افرادینک اکثریسیده بونک کی عادی امور ایله اشتغال ایدرک حرکت و جریان عمومینک حسن اداره و نظارتی بعض ارباب اقتداره تودیع ایله اکتفا ایلر. شمدی بو یولده یشایانلرک همان جمله ازدواج طرفداری بولملری طعیدر. بونلر، دنیایی غایت آلق، وسعتی طار بر افق داخلمده کوره رک آز جوق حال و ثروتلری مساعده اولور اولمز در حال تاهل ایدرلر. و کذرکاه حیاتلرنده تصادف ایده. جکلری فلاکتلرک تسلیسنی رفیقه لرینک محبتده چو.

جقلرینک بوسه لرنده ارارلر. حاصلی انلرجه مسعودیت دینویه، یاره قزانمقدن و بر عائله تشکیل ایلمکدن عبارت قاله رق بو ایکی شیئک تماماً حصولی کندیلری ایچون غایه مسرت صاییلور.

بکارلق طرفداری اولانلره کلنجه بونلر هیئت اجتماعیه نك نسبتاً ک زیاده منور، معلوماتی و یاخود فلاکتزده اولانلریدر. بونلر مشاهدات و تدقیقات مختلفه ایله سرار دنیا و خفایای بشریه به دها زیاده کسب اطلاع ایتمش اولدقلرندن الدن کلدیکی مرتبه اسباب بدبختی لرینی ازالده رق یشامق فکرنده درلر. ازدواجک محاسن و محاذیرینی مقایسه ایتمشلر. ایستاتستقلره مراجعت ایلمشلر. اکثریا تاهلک فنا بر صورتده ختام بولدیغنی کورمشلر. ایکی کشینک - ولو مختلف الجنس اولسون - مدت مدیده حسن مودتده بولنه بیلمه لرینی وهله تاهلک شرائط اساه سیه سندن بری اولان صداقت متقابلنک تأمین دوامی عذیم المکان بولمشلر. حین عقدده یاییلان طاتلی خیاللرک ایلروده نصل بر طاقم حقایق مدهشه ایله محو و مضمحل اوله جغنی دوشنهرک آجی آجی کولمشلر. هر طرفدن یا غمور کبی یاغان اسباب فلاکتدن انسان مجرد اولدینی حاله حصه سنه دها آز بر شی اصابت ایده جکنی و حالبوکه بر عائله صاحبی بولندینی حاله شو حصه نك افراد عائله نك عددی نسبتنده ارته جغنی مشاهده ایتمشلر. دیگر طرفدن تاهلک اسباب معیشتجه فوق العاده بادی مشکلات اوله جغنه و طوغاجق چو جقلرک پک فنا بر صورتده حیات مبارزه سنه حاضر لملرینی انتاج ایده جکنه یقین حاصل ایلمشلر.

بکارلق طرفداری اولانلر، حیاتک الم مهم اولان خصوصاته متعلق شوا اعتراضلرینی درمیان ایتدکدنصکره اهمیتی ایکنجی درجه ده اولان مواده انتقال ایدرک تاهلک مشاغل علمیه و ذهنیه ایله غیر قابل تألیف اولدینی ادعا ایلمشلر در.

انلره کوره علوم و فنونک ترقیسی اربابینک غوائل حیاتدن از جوق وارسته قالمسنه منوط ایکن تاهل، شو خصوصه مانع بولنه رق قایینه و یاخود عملیخانه سنده تدقیقات علمیه ایله اشتغال ایدن عالملرک سکونت فکریه لرینی اخلاله باعث اولور. شوا دعایی تأیید ایده جک احوالند رکه بر جوق حکما تاهلک حقیقتاً علیهنده در. «باقون» نه وقت

تأهل ایلملیدر دبه سوال ایتیشلر جواباً دیمشکه «کنجلیکه هنوز زمانی دکلدر، اختیارلقده ایسه زمانی کچمشدر!» [۱] شوینوئه. «قانت» کبی اک زیاده سودیکی حکمانک بکار یشامش اولمیرندن فوق العاده ممنون قاله رق انلر تقلید ایلمش و تأهلی غایت غریب بر صورتده تعریف ایتیشدر. بونک فکرینجه، تأهل کنجلیکه استقراض ایدلمش بر بورجه بکزرمش، استقراض ایدیلان پاره نصل ابتدالین طاتلی طاتلی صرف اولنورسه تأهلیک برنجی زمانلریده همان اکثریا پک طاتلی کچارمش. فقط انقضای وعده یاقلاشدنجه بورجلی غم و قسوته دوچار اولدینی کبی تأهل ایدن آدمده، کون بکون آرتان سوء امتزاج و طوغان چوجقارک مصارف و مزاحمی التمه محو و زبون اوله رن ایلک کونلرک سعادتی تماماً برونندن کلورمش!! حاصلی مشاغل علمیه نیک بیوک سکونته عظیم بر استراحتیه محتاج اولدینی دوشلورسه تأهلیک بو خصوصده نقدر مضر اوله جغنی اکلاماق قابل اوله ماز.

تأهل علیهنده بولنانلر تأهلیک سوء اخلاق و امراض و مهالکه قارشو بر سد حائل اوله بیله جکندی ده انکار ایدیورلر. تأسف اولنورکه بر چوق احوال شو فکرده کندیلرینی تشویق و تحریک ایدیور.

اوروپا غزته لرینک دیدیکنه باقیلورسه «بکرشده او قدر سوء اخلاق ایلروله مشکه بر قاج آی مقدم یوزی متجاوز ذوات معتبره ضبطیه دائرمنه مراجعتله باشه چیقامدقلری ذوجه لرینک (!) عالم فحشیاتدن جبراً منع و اخراجی یانه یاقیله رجا ایتیشلر! کذلک کچن سنه پارسده کوردیکم بر ایستاتستیکه نظراً «میدی» خسته خانه سنده بل صغوقلغندن یتان یوزخسته ایچنده قرقی اوخسته لنی قوجه لی قادینلره مناسبات غیر مشروعده بولنه رق یقالمشلر (!). ایشته بویله مادی و جدی بر چوق شیرل وارکه تأهل علیهنده کی شد فکرلری مع التأسف تقویه و تأیید ایدیور.

تکثیر زریته امرینه کلنجه: تأهل علیهنده بولنانلر دیورلرکه «انسانیتک استقبالی او قدر تهلیکه ده میدرکه بویله تأهل کبی بر چوق محاذیری بدیهی و اشکار اولان

[۲] بو بابده دیوزنه نک دخی «اوتوز یاشنده تأهل ارکندر قرقه قالور ایسه کچدر» دیدیکی مقاله منرک حین مطالعه سنده بر ذات عالیقدر طرفندن لطفاً بیان بیورلمش اولدیفندن بورابه درجی وظیفه قدر شناسیدن عد ایلم.

بر عادی واسطه یه مضطر قالدنه رق التجایه مجبوریت حاصل اولسون. مالتوس، بو خصوصده تبعاتده بولنه رق نفوس بشرک او قدر دهشتلی بر صورتده ارتدیغنی مشاهده ایتیشکه ایلروده بر آنده یشایه جق اولان انسانلر اعاشه سنه دنیاده موجود طوپراقلرک کفایت ایتیه جکندن قورقه رق ازدواجک تنقیص عددینی توصیه یه مجبور اولمش! قالدیکه شو سوز طوغری اولسه بیله تکثر نفوسک ازدواجله قائم اولدینی اصلاً ادعا اولنه ماز.

اوروپانک، بیوک شهرلرنده هر هفته یاییلان ولادات ایستاتستیکلرینه باقیلورسه کوریلورکه، بر هفته طرفنده طوغان چوجوقلرک همان نصفی اطفال غیر مشروعه دن یعنی تأهل خارجنده طوغمش ولد زنا دینلان چوجقلردن ترکب ایدیور.

مادامکه شو امر مهم سوق طبیعی ایله و تأهله احتیاج قالمقسنزین تأمین ایدیور، طوغانچ چوجقلرک حسن تربیه لری ایچونمی، مغایر طبیعت اولان وهله خرسیتیانلق ازدواجی کبی ایکی کشینی ماده و معنأ بردها انفکاکی قابل اولیه جق صورتده بر برینه ربط ایتک ایستیان برواسطه یه مراجعت اولنه جق؟ او قدر کلفت اختیارندن ایسه ذاتاً اطفال متروکه ایچون موجود اولان دائرملرک وظائفی توسیع ایتک وها مناسب دکلدر؟

فضله اوله رق بو دائرملر ایچون لازم کله جک مبلغ ویرکو صورتنده خلقدن آلدینی حالده عین خصوص ایچون افراد اهلینک صورت متفرقه و خصوصیه ده صرف ایلدیکی مبالغ مجموعندن فوق العاده اکسیک اوله جقندن مملکتک ثروت عمومیه سنده آز زمانده عظیم بر ترقی کوریله جکدر.

حاصلی تأهل علیهنده بولنانلر شو صورتله حسیاتدن اخلاقدن، سوسیولوژیدن بر چوق دلائل ایراد ایدرک بکارلرک هر حالده تأهله مرجع اولدینی کوسترمک ایستیورلر.

کرک تأهلی و کرک عکسیتی التزام ایلایانلرک سویلدکلری سوزلره باقیلور ایسه هر ایکی طرفکده آز چوق حق اولدینی تسلیم اولنماق قابل دکلدر. فقط بویله بر برینک بسبتون عکسی شیرلی التزام ایدنلره عین زمانده حق ویرمک منطقه و حکمة نصل قابل اولور؟ یلک نظرده

پك غريب كورينه جك اولان شو نتیجه نك حصولی
تأمین ایدم جك بر شی وار ایسه اوده شبهه سز «تکامل»
در . تکامل - غایت ساده بر قیاس ایله - متعدد انبارلی
بر کمی به تشبیه اولنه بیلور که یاننده سائر صور تدقیقه
برر اوافق ماونه کی قالور . تکامل ، بر بریله بر آنده بولنسی
قابل اوله میه جق بر چوق شیلری تهله که سز و بلا
محذور مختلف گوزلرینه ، انبارلرینه یرلشدیره رک استیعاب
ایده بیلور . حال بوکه صور تدقیقه سائر نك محل استیعابلی
معونه لرگکی گی غایت اوافق اوله جغندن ماده جه ، ماهیتجه
بر برینه ضد اولان شیلرک بر آراده یرلشدیرلمسی قابل
اوله ماز و برینک موجودیتی مطلقا دیگر لرینک مفقودیتی
استلزام ایلر .

ایشته بونک کی تکاملدن بشقه هر هانکی نقطه
نظردن اولور ایسه اولسون تأهل و بکارا نك بر آنده
قبول و تصویبی مغایر منطق اولمقدن قوریتله میه جعی حالده
تکامل آنلری مختلف کوزلرینه درجه و صره اعتباریله
یرلشدیره رک هر ایکسینده تملکیت ادعا ایده بیلور . بونی
اثبات ایچون تطبیقاته کیریشه لم :

تأهل بدایت حیات بشریه دن برو موجود میدر؟ شو
سؤال بالطبع تصدیق اشارتی ویریه مز . ابتدالری مناسبات
جنسیه نك حیوانیتدن پك آز فرقی اوله بیلوردی . تملک
فکری و دها رقیق اولان حس مودت پك چوق صکره
ظهور ایلدیکندن مختلف الجنس اشخاصک بدایت حیات
بشریه ده - شمعی تأهل ایله اولدینی کی - سینه لرجه
برلکده آیرلمق سزین یشامش اولدقلرینی ادعا ایتک بالطبع
مغایر منطق اولور . بناء علیه ارکک ، قادین آراسنده
دائما برلکده یشامق اعتیادینک بدایت حیات بشریه دن
پك چوق صکره - بر اثر ترقی و تکامل اوله رق -
ظهور ایلدیکنی قبول ایلمک ضروریدر . بالاخره بیله
برخیلی مدت شو رابطه فوق العاده ضعیف قالمش و کسب
قوت ایلمسی آنجق بت پرستلک سایه سنده قابل اولمشدر .
معلومدر که بت پرستلک زمانلرنده هر عشیرتک و حتی
هر فاملیانک کندینه مخصوص بر طاقم معبودلری و ارایدی .
هر فاملیانک موتا دفنه مخصوص بر محزنی موجود اولوب
عائله رئیس و فاتنده اورایه دفن اولتور و بعدما فاملیا
معبودلری آراسنه کیره رک کندیسنه مخصوص ، وقت معینه

مزارینک یاننه یمک قویمق و شرفنه نار مقدس یاقق کی
بر طاقم آینلر اجرا اولنوردی . هر فاملیانک معبودلری
یالکز او عائله افرادینی حمایه ایدر و بشقه سینه قارشمازدی
حال بوکه تأهلده شو خصوصدن طولانی فوق العاده
مشکلات ظهور ایتشدی ، زوجه اوله رق آلان قادین
تأهلده نصکرده - اولجه اولدینی کی - ینه اسکی عائله سینه می
عائده اوله جق؟ بو صورتک قبولی امکانسز ایدی ، زیرا :
بو حالده زوجه ، ارکک فاملیا سنده بر اجنبی حکمنده قاهره
عائله معبودلرینی شبهه سز حدتله دیره جکدی . ایشه
شو محذوره میدان ویرلما نك ایچون تأهل ایدن
بر قادینی پدری عائله سندن تماماً چیقارمق و زوجک
تابع اولدینی معبودلر حمایه سینه قویمق ایستلماش و بونک
ایچونده بالطبع اثنای تزوجه بعض آیین دینی اجراسنه
مجبوریت حاصل اولمشدی . ایشه تأهلک بر صفت
دینی اکتساب ایتسی شویولده باشلامش و بوصفت . دائما
دوام ایدن تکاملدن پك او قدر متأثر اولیه رق عصر مزه
قدر پایدار اوله بیلمشدر .

مختلف الجنس اشخاصک برلکده متحد اوله رق
یشامسی کیفیتی حصول بولور بولمز تعدد زوجاتک آنی
ولی ایتسی پك طبیعی قالمشدر . زیرا اعصار ابتدائیه ده
اک زیاده اجرای حکم ایدن قوه بدنیه اولدیغندن واسباب
معیشت غایت سهیل بولندیغندن تعدد زوجاتک اجرایی
خصوصنده بوکون ممالک متمدنده موجود اولان موانع
بالطبع اوزمان موجود دکلدی . بالاخره بعض اسباب
محلیه و دینییه تحتند «مونوغامی» دخی ظهور ایتمش
ایسه ده تعدد زوجاتک بوکا نظراً مقدم اولدینی محققدر .
زیرا «مونوغامی» آنجق تعدد زوجاتک تمامی اجراسنه
- کرک مادی و کرک معنوی بر صورتده - مانع اولان
بعض اسباب تحتند ظهور ایده بیلمشدر فقط شو تحول
هر یرده صورت مطرده ده حصوله کلدیکندن تعدد
زوجات و مونوغامیدن هریکسیده مختلف یرلرده اجرای
حکم ایتک شرطیله زمانمزه قدر پایدار اولمشدر .

فقط مناسبات جنسیه نك شو ایکی صورتند بشقه
بکارلق دنیلان براوچنجی صورتی دها واردر که اوتهدنبرو
موجود اولدینی حالده هله شو صوک زمانلرده سرعت
ترقیسنی فوق العاده آرتیرمشدر . شوراسی محتاج

ایضاح دکلدر که بکارلق هر هانکی جنس ایچون اولور ایسه اولسون «شاشته ته» یعنی عفت تام دیمک دکلدر بر آدم بکاردر. نه وقت که صورت مشروعه ده تاهل دیلان بر قید تحتده بر قادیله حیاتی مدت مدیده ترفیق ایتک ایستمز. یوقسه بکارلق - ولو صورت غیر مشروعه ده اولسون - مناسبات جنسیه نك تماماً مفقودیتنی متضمن دکلدر. ایسته بو بکارلق ده اعمار سابقه ده بیله بعض اسباب غیر منتظمه تحتنده وقت فوق العاده آرتمشدر. مشهوردر که رومالیلر، تاهلک بر آراق شدتله تناقصندن دهشته اوغرایه رق بکارلق اوزرینه آغر بر طاقم تکالیف وضع ایتمشلردی. فقط بوتدایر اصلاً مشر اوله مامشدی زیرا بکارلنی حصوله کتورن اسباب او تکالیفدن ده طبیعی و ده شدید ایدی. زمانمز حکمائی رومالیلر نسبتاً ده زیاده معلوماتی و «سوسیولوژی» قوانینته ده زیاده کسب وقوف ایلمش اولدیغندن بوکون خصوصیه ممالک متمدنده کوریلان بکارلغک ترقی عظیمه سینه قارشو او یله بر طاقم ابتدائی تدایر اتخاذینه قالمشده و بکارلغک ماهیتنی تدقیق ایله اگر طریق تکاملده حائز اهمیت ایسه اکا بیهوده یره قارشو کلمک صورتیه دائماً متضرر اولمقدن ایسه وجودینه طوعاً و کرهاً رضا کوسترمک و الدن کلدیکی مرتبه حسن تطبیق واستفاده سینه تشبث ایتک یولنه کتمکده در.

«بکارلق نیچون ترقی ایدیور؟ و بوکا قارشو کلنه مزمنی» - سؤاللری بوکون هر یرده و خصوصیه فرانسه ده - نفوسک تناقصنه مبنی - دائماً موضوع بحث اولمقدن در. کچن سنه بویولده وقوعبولان مباحثاتک برنده اوتهدنبرو قادین مسئله لرنده فوق العاده اقتدار و اختصاصی اولمغله معروف اولان «علکساندر دومازاده» دن استفسار کیفیت اولنشدی. حکیم مشار الیه فیغارو غزته سنده جواباً دیوردیکه «بوکون شاشله جق برشی واریسه اوده بکارلغک تزیاید ایتسنده دکل تاهلک الآن بودرجه پایدار اولسنده در. هرکس عرف و عاداتمک تأسسات سیاسیهمزک تجدد و تبدلی کمال شکران ایله کوریورده آنک نتایج طبیعه سندن بری اولان بکارلغک ترقی سندن بالعکس دوچار دهشت اولیور. نه آجینه جق صفوت!» شوسوزلرک اهمیت وجدیتنی طانیماق قابل دکلدر. فی الحقیقه بوکون بکارلق

آرتیورسه شو حال، بر ترقی منفرده اولیوب عین زمانده تبدل ایتمکده اولان بر سوری هیئاتک اخذایلدیکی جریانک بر جزئیدر. دائماً سیر ترقی ده اولان اسباب مدنیهمز بکارلغک ترقیسنی استلزام ایدیور. بناء علیه یالکیز بکارلغه قارشو بر تدبیر اتخاذی نامحل اولوب او اسباب مدنیهمز هیئت مجموعه سیله معرض تدقیقه آلمق لازم کلور. اگر بونلر ضرری محقق و هله احساسی قابل ایسه امین اولمیدر که بکارلق کندیلکندن محو اولور. یوق اسباب مدنیهمزی تقدیر و تحسین ایدیور ایسه ک یاخود احساسنه مقتدر اوله میورسه ق آنک اجزای غیر متفرقه سندنبری اولان بکارلغه ده چار ناچار رضا کوسترمک ایجاب ایدر. انسانیت طریق تکاملده دوام ایدرک بر سوری درجندن کچمکده در. بودر جاتک هر برنده انسانیت از جوق توقف ایلدیکندن او درجه یه مخصوص بر طاقم عادات و اعتیاد حصوله کلور که بالآخره تحول درجانه آنلردن ایرلق بادی کدر اولور. فقط اعتیاد مقتضای بشریت اولدیغنی کبی نسیانده اندندر. بناء علیه هر درجه ده توقف وقوعبولدجه اسکی درجندن بقیه قالان عادات و اعتیاد آغر آغر محو اوله رق یرینه یکی درجه لرکی قائم اولور. بناء علیه اسباب ترقی حسیاته کوره اولچیلهمز. بو نوع احوالده ال از آلدانانلر شبهه سزال از حسیاته تابع اولانلر و فراغت و اویساللق ایله متصف اولانلردر. بوکون ممالک متمدنه نك هر جهتده ازدواجک سنه بسنه تدنی ایتدیکی ایستاتستقاردن آکلاشیلیور. عین محله مختلف زمانلر آراسنده کوریلان شو فرق عین زمانده مختلف یرلر آراسنده ده نمایان اولوب اسباب معموریتی فوق العاده تأمین ایدلمش اولان یرلرده بکارلق ارتقمده و بالعکس بو خصوصده کرو قالان محللرده ایسه تاهل الآن صوک درجه ده غلبه ایلمکده در. ترقی مدنیته واکا ترادف ایدن احوالی تدقیق ایدرک شوفرک سببی کلامق قابلدر. معلومدر که کوبلرده واکا مماثل یرلرده اسباب معیشت و صور حیات پک اوقدر مرکب و مختلط دکلدر. صور حیات تماماً اسباب طبیعه اوزرینه مرتب قالمش واقصای آمال غایت عادی بر رفاه حال درجه سنده یشامقدن عبارت بولنش اولدیغندن بویله یرلرده تاهل حالیه اک مهم وقایع حیاتیهم بری اولور. اناطولیدن

کسب کار ایتمک اوزره استانبوله کلان کویلیلر تدقیق اولنور ایسه کوریلورکه کافه سنده منتهای آمال بردر. همان جمله سی از جوق کچینه جک بر پاره قزاندقدنصرکه کویلیرینه عودت ایله دهها کوچک ایکن تصارلادقلری قزله تاهل ایدرک و جفت و چپوغیله اوغراشه رق مسعود اولمق ایستیور. قوه عقلیه سی اصلا نشوونما بولمامش اولانلرده بوندن بیوک نه آرزو بکله نیله بیلور؟ بونلر ایچون شبهه سز تاهل قدر موجب سعادت برشی یوقدر. برکشی یه کفایت ایدم جک پاره ایله قوص قوجه برعائله کچنیر. خانم ایچون آروجه بر آبارتمان احضارینه لزوم قالمز! طوغان چوجقلر ایچون سود آنالر آلمانز، طادیلر طوتلماز، هرشیئه او بیچاره رفیقه یتشور. حاصلی بر «مه ناز» که هرشیئی قاری قوجه. سوء اخلاقه سهوات معیشت مانع، فحشیه یاته احوال محلیه مساعد دکل. تربیه اطفال مصرف سز کندیلکندن اولور. خسته ققلر ایچون دوققور لیسته لری آچلمز. هرکس امرالهی یه منقاد، اجله مطمئن. حاصلی عادی بر طاقم احوال خارجه داخلنده بیوک بر سعادت. برده عکسی جهتک بوکون معلوم اولان صوک نقطه سنه باقالم: بیوک شهرلر کوزل اولر، سوقاقر وار. فقط اسباب معیشت صوک درجه ده طار. هر طرفه فابریقه دومانلری توتیور. رئیس عائله نک ثمره سعی و غیرتی عائله یی کچندر مکه کفایت ایستیور. رفیقه ده، او ایشلرینی براقه رق اوتوده بروده سعی و غیرتیله اکا معاونه مجبور قالیور. ارکک اولسون قز اولسون اومینی مینی یاور و جقلر، اوما کینه دن، دیکشیدن زیاده غوش مادره محتاج اولان بیچاره بیله ایشه صالدر یلیور. محبت و مناسبات عائله یواش یواش محو اولیور. بابا، اون بش ساعتک بر چالشه نک یور غناغی چیقارمق ایچون قاباره لره، میخانه لره دوامه باشلیور، والده، اوینه کلیه کلیه و ایشلرینی یلرده کی سفاهتی کوره کوره قوجه سندن و حتی اولادلرندن بیله صغویور و بر دیکرینک متره سئلکنه تنزل ایدیور. یا اوچو جقلر؟ ارکک اولانلری، تدریسات ابتدائی بیله مکمل کوره میهرک چایقین برکلیخان بکی سفیه بر «وایو» اولیور و ارباب جنایاته التحاق ایدیور. قز اولانلری ایسه هر صباح ایشلرکاری مغازلره کیدرکن و یاخو اخشاملری اولرینه عودت ایدر ایکن پولیسک هر درلو معاونه سندن محروم

قاله رق آدیم باشنده کنج سر سربلر طرفندن اوغرا دقلری تعرضه مدت مدیده مقاومت ایدم میهرک عاقبت پنجه لرینه دوشیور ودها او یاشده شکوفه عصمتلرینی صولدر ییورلر. شمعی بویله بر یرده انسانی تاهله سوق ایدم جک نه کی اسباب بولنور؟ هیهات! تاهلک قدسیتی اهمیتتی رجحانیتتی تقویه و اعلا ایدم جک شیلرک جمله سی بوراده مفقود! اول امرده بر عائله اعاشه سی فوق العاده مهم و مشکل بر مسئله. سعادت عائله، حسن اخلاق ایسه هیچ یوق. قادینلرک اکثر بسی عفتک، والده لکک تمثالی مجسمی اولمق نیتیه اولمق شویله طورسون بیاغی تاهله آنسز اجرایی غیر قابل بر جوق فنا لقلرک، فحشیاتک حصوانی تأمین ایدم جک بر واسطه آریور!

برده اوللری هر کس اقامت ایتدیکی کویدن، شهردن یک از طیشارویه چیقارمش و جریان حیات تماماً منظم اوله رق عائله حیاتی فوق العاده ارزو اولنه جق بر شی ایمش. حالبوکه شمعی تجارت و صنایع هرکسی دائماً وقت وقت سیاحته، حرکت واکزباده قولایجه اعاشه حیات ایدیلان یرلری تحری یه سوق ایدیور. چولق چوجقلی بر آدمک بو خصوصده اوغرایه جنی مشکلاتی ایسه تقدیر ایتامک قابل دکلدر. واقعا اناطولیده هرکس چولق چوجغی کویلرنده براقه رق ایستدکلری یرلره کسب کاره کیدیور. فقط اوروپاک احوال محلیه سی بزمکنندن بسبتون بشقه در. بزده آژ چوق حصم اولانلر بر برلریله دائماً مناسباتده بولنورلر و حتی برلکده اقامت ایدرلر. شو صورتله ترک ایدیلان کنج زوجه لری، چوجقلری حمایه ایدنلر کثرتله بولنور. حالبوکه اوروپاده انلر، دخی یقین خصملری بولنسه بیله صوک درجه ده فساد اخلاق و سفالته معروضدرلر. حاصلی بویله یرلرده تاهل مع التاسف فوق العاده بادی فلاکت در.

حالبوکه بکارلق، شو خصوصده بر جوق محاسنی حائر اولدینی کی طبعنده کی محاذیر مهمه نک ایسه هله ممالک متمنده موجود تاهل حاضره ایله اصلا دفعی قابل اولمیدغندن بکارلق ممالک متمنده کون بکون ارتقمده در.

بر قاج زماندنبرو فرانسه ده ازدواجک تنافسی و بکارلغک ارمی سفاهت و سوء اخلاقدن نشأت ایلدیکی

ظن ایدلمش اولدیغندن بو خصوصده بر چوق تدابیر
شدیده نك اتخاذهی هر کس طرفندن توصیه اولنمده ایدی.
فقط بالاخره تدقیق ماده ایدلدکه التندن چیان اوغلی
جیقمش و غایت ساده کوریلان شو مسئله نك فوق العاده
قاریشیق و مرکب اولدینی تماماً تحقق ایدرک اکثر حکما
بعدها نك چاره دفعی دوشوندکن بشقه ظهورینی بر
مجبوریت تکمیلیه کبی تلقی ایدرک حسن تطبیقی اسبابی
بیله تحرییه چالشمشدر.

فرانسه مشاهیر محرریندن «ژرار دین» ک بو خصوصده کی
مطالعاتی شمیدیلک پک خیال کورینه بیله اجرایی - پک
اوزاق اولمقله برابر - مقرر خیالاتدن اولمق اوزره نظر
دقته چاربار. بو حکیم، تأهلک ازالمنده هیئت اجتماعیه
ایچون بر محذور کورمیور بالعکس عدالت و حقانیت نقطه
نظرندن منفعت بیله بویور. هر شیده و هله مناسبات
بیتیه ده بالجمله حکم و نفوذک الآن ارککده بولنمی کیفیتتی
یالکیز قواء بدنیه نك اجرای حکم ایتمش اولدینی زمانلردن
موروث برشی اولمق اوزره تلقی ایدیور. حالبوکه تکامل
سایه سنده بوکون هیئت اجتماعیه ده قواء بدنیه ک عادی
برروله تنزیل ایدلمشدر.

بناء علیه انکله قائم اولان اسارت نسائییه نك لغویله
قادیلرک استرداد حقوقی زمانی یا قلاشمشدر. ایلروده
تأهلک محویله آجیق مناسبات تأسس ایدرایتمز، چوجقلر،
بابالریله شمیدیکی قدر مناسباتده بولنمیه رق تماماً والده لرینه
عائد اوله جقلر و بعدما بابالرینک دکل والده لرینک اسمیه
یاد اولنه جقلردر. هر آدم اوغلنی قبول ایدوب ایتماکده
مختار قاله رق بالجمله خصوصاً کوز والده ایله اوغل اراسنده کی
مناسبات نظر دقته اله جق و بویولده تشکل ایده جک
عائله لره پدر - ایستر ایسه - اجنبی قاله بیله جکدر. ایلروده
حصولی قویاً ملحوظ اولان شو خیال حقنده کی میلدها
شمیدین قوانینده کورلمکه باشلامشدر. فی الحقیقه فرانسه
قودسیویلی صراحتیه «تحری» ابوتی قطعاً منع و حالبوکه
مادری تحرییه مساعده ایلشمشدر.

حاصلی هیئت اجتماعیه نك حیاتی نه تأهل و نه ده
سائر بشقه بر شیله صورت منفردده قائم اولمیوب تأهل
یرینه آثار تکامل ایله قائم اوله جق اولان سربست
مناسبات سایه سنده ده سعادت بشریه امکانسز قالیه جقدر

بتون بو تبدلات انسانیتیه - کندیسنی بر انسانه تشبیه
یده جک اولور ایسه ک بیاغی البسه دکشدریمک قییلندن
کله جکدر. حاصلی صورت تکامله نظر ایدیله جک اولور ایسه
کوریلورکه بوندنصکره کله جک عصرلر و هله بر ایکی
عصر صکره دن اعتباراً جریان ایده جک زمانلر بکارلق
مانی اوله جق در. عصر مزک ایسه - هیچ اولمزه اورویا
نالک متمدنیه سی ایچون اولسون - بو خصوصده کی ماهیت
اهمیتی تاهل و بکارلق کبی ایکی بیوک شی اراسنده
جرا اولان دورو تسلیم زمانه راست کلمسندن عبارت
الور.

ایشته عرض اولنان بتون شو تفصیلاتدن استخراج
ولنه جق نتیجه شودرکه تأهل ایله بکارلقدن هیچ بریسی
سورت قطعیه ده ترجیح ایدیله مار. بونلر تکاملک «۱» و «۲»
رقلریله اشارت ایدیله بیله جک ایکی درجائی تشکیل ایتدیکندن
هر شخص تأهل ایله و بکارلقدن هانکیسنی
ترجیح ایتک لازمکله جکنی اکلامق ایچون احوال
عایه سی، زمانی و سائر بر چوق اسباب طبعیه الحاق ایله
شو ایکی درجاتدن هانکیسنه کیره بیله جکنی اوکرنمکه
چالشمیلدر. برنجی درجه یه کیرنلره تأهل و ایکنجی
درجه یه داخل اولانلره ده بکارلق توجهه ایدر.

* *

ادیب محترم !

کچن هفته کی (معارف) ده حق عاجزانه مده بیدریغ
بیوردیغکنز التفاته عظیم تشکرلر ایدرم. لطفاً
«جدی» صفیه توصیف بیوردیغکنز آثار عاجزانه مک
شر و انتشاری خصوصنده «معارف» کبی جدی بر غزته نك
وسطی طلب ایده جکم طبعی بولندیغندن شو صورته
مظهر تشویق اولنشمندن فوق العاده ممنون قاله رق تزئید
سعی و غیرته اهتمام ایده جکم شهبه سز در. باقی عرض
احترامات مخصوصه ایدرم.

ابن فکری لطفی

پاکیزه

ماهد

شرف خاتم اقرباسندن بر کنجی سومش و اونک
طرفندن ده بر مدت چلغچه سنه سولمش ایسه ده عشق